



*Selasa, 17 Agustus 2021*

**Ogen: I Petrus 2:16-17**



**Ola Tutupi Si Jahat**



**S**alah sada biak kalak si bebas eme percaya diri. Kepercayaan diri e erbahanca maka ia pang nuriken kai si lit i bas pusuhna. Pentingken nuriken isi pusuh, sabap pusuhna enda ingan Kesah Dibata ringan janah melala si mehuli si turah i bas pusuh si enggo bebas ras enggo ipelambarui Tuhan. Petrus nuriken maka kita enda kerina eme anak tebusen si enggo mbebasken kita i bas kuasa ras ukumen dosa nari. Erkiteken si e kita enda eme kalak si bebas. Bebas guna mpermuliaken Tuhan ras ncidahken keleng ate Tuhan si mbelin si nampati kita. Kebebasenta la seri kebebassen si reh bas manusia nari i ja ipakena kebebassenna e guna ncedai si biak mehuli, bagi siilakoken guru-guru palsu bagepe kuasa-kuasa si la nandai Dibata denga. Memang labo menukah tapi bageme pendilota selaku kalak Kristen. Dosa si mbelinna eme la erpemeteh, maka kalak si nggo merdeka i bas ia nggo lit pemeteh uga cara mpehuliken i bas kegeluhen. Kalak si terpenjara imbangna iperangna tapi kalak bebas imbangna iasuhina, icidakhenna keleng ate. Kalak si bebas la itutupina kejahatan tapi aku kepentaren iturikenna si benar. Patuh man pemerintah sebab arah kiniulin nge maka banci italuken kejahatan ras si la adil. Alu Kata Dibata enda kita iajuk guna merenungken kemerdekanta sebagai sada bangsa ras kemerdekanta i bas Tuhan. Enggo nge sipake lako ngelaken kiniulin ras kepentaren. Enggo 77 tahun bangsa Indonesia ipasu-pasu Tuhan. Tapi korupsi, kolusi, nepotisme, mihak-mihak mekelek denga. Kita selaku anak-anak terang ipindoken gelah ola ngadi nehken si mehuli, ola tutupi si jahat tapi alu keleng ate sidadhken maka kebenaran ras kejujuren ngasup naluken kejahatan e. Panglah kita nuriken si benar sabap kita enda lanai bo kalak tertaban. Kita kalak merdeka si alu gegeh Dibata ngasup cidahken kiniulin. Guna Indonesia si lebih maju.